

與5000神徒慶30歲生日

Anson Lo拋開遺憾

勇往直前



■Anson Lo坐粉紅色花車繞場唱歌。



■練美娟擔任生日派對司儀。



■又大一歲，Anson Lo自覺越來越Man。

MIRROR 成員盧瀚霆 (Anson Lo) 前晚在亞洲國際博覽館舉行盛大生日派對，與5,000神徒 (粉絲暱稱) 一齊慶祝。踏入30歲的他覺得是人生轉捩點，會拋開以往的遺憾和挫敗，勇往直前。他指除了家人外，最希望可以照顧每一位神徒，大家每日都開開心心。

盧瀚霆昨日30歲生日，前晚在亞洲國際博覽館提早舉行《Together We Celebrate》生日會，邀得好友練美娟擔任司儀，吸引5,000神徒參與。當Anson Lo現身時全場尖叫，他亦非常「寵粉」，向每個角落的神徒打招呼。

Anson Lo先與神徒玩兩個小遊戲熱身，然後在場內坐粉紅色花車繞場唱歌，近距離親近神徒表達謝意。他說：「成日聽人講29+1，其實可以直接講30，我唔介意！係呀，我今年30歲喇，除咗越嚟越Man啦，我覺得都係一個轉捩點，一啲以往嘅遺憾、挫敗都擺埋一邊，要勇往直前先！除咗事業，我覺得承擔感都重咗好多，除咗照顧屋企人嘅責任，仲有照顧每一位神徒，想每一日大家都開心，你哋靠住我嘅

時候都有被保護嘅感覺。」

未能透露年底開騷詳情

早前有傳Anson Lo於12月開個人演唱會，但當司儀提到年底開騷時，Anson Lo一臉驚訝說：「我驚其他嗰啲未講得，一陣間又世界大亂！不過我生日唔驚啦，總之係12月好頭嘅時間，單位數字嘅，2同7都係我幸運號碼，大約係咁啦。」之後他解釋不公開實際日期是因為若果加場，有機會令首場日期有變，故暫時要保密。他亦有交代手術後的康復進度：「其實開頭有諗住同大家講，驚講出嚟嚇親大家，但原來都有乜用，大家都係好擔心。放心有事喇，依家已經好番9成，再過一星期應該可以100%康復！」

祖兒肩痛影響睡眠

容祖兒昨日以活動大使身份出席香港國際熱氣球節發布會，她表示未坐過真正的熱氣球，今次能在香港天空看到不同動物等款式的熱氣球，小朋友一定很开心，很期待親身去打卡。提到祖兒早前在澳門騷上透露在啟德開演唱會，她笑言沒說明何時舉行：「當然想嚟啟德，但趕唔切今年舉行，希望出年成事。(已入紙申請?)應該差唔多，等公司安排，自己責任係時刻保持身體狀態。」

祖兒自爆今日會照磁力共振，因膊頭痛影響睡眠：「膊頭可能因長期排舞動作大，之前又唔小心撞到，新傷舊患，右邊膊頭好鬼痛，老弱殘兵！膝頭又開始痛，係頭都痛，所以要維修一下。」談到日前與老友謝霆鋒、陳奕迅與張敬軒開騷，祖兒表示大家會私下約出來見面，但一齊開騷是難能可貴，可一不可再。



■祖兒自嘲老弱殘兵，肩膊和膝頭都有傷患。

寶靖童將於10月4日在麥花臣場館舉行「狀況外」世界巡迴演唱會終站，為歷時一年的音樂之旅畫上句號。香港是寶靖童成長地，也是她音樂事業的起點，因此別具意義。她預告將會唱廣東歌作為驚喜彩蛋，表達對香港歌迷的特別心意，並指今次演唱會不僅是巡演終點，更是一場音樂本質的探索。談及巡迴體驗，寶靖童表示：「今次Tour去了好多地方，每個城市嘅文化和氛圍都很獨特。」她笑指團隊有「美食導航」同事，總能帶大家品嚐地道美食。

寶靖童預告港騷唱廣東歌

■寶靖童巡唱以香港為終站。



■王耀宏(左)飾演馮允謙年輕版。

王耀宏開心撞樣馮允謙

「唱作王子」馮允謙 (Jay) 近日拍攝新歌《古卜力》MV，邀得新晉演員王耀宏 (Meaning) 飾演「少年版Jay」。雖然兩人沒有對手戲，但在拍攝現場相遇時，被不少工作人員指似樣。Meaning害羞向Jay說：「我好開心人哋話我似你，其實我更想唱歌似你。」Jay說：「你得嘅，唱歌唔使似我，要有你自己嘅聲音。」當Jay知道Meaning跟黃淑蔓上堂學唱歌，即問：「佢有冇開你？」Meaning說：「佢係嚴謹同埋認真嘅老師！」Jay笑言以為黃淑蔓不捨得鬧靚仔。